

इवनिंग डोगरी न्यूज़ बुलेटिन

समे .18:15 Hrs

<><><><><><>

Headlines

1. काबिना नै निर्यातकें लेई दोहार गरंटी स्कीम गी मंजूरी दिती। प्रधानमंत्री नरेंद्र मोदी होरें आखेआ जे एहदे कन्नै मुकाबलेबाजी गी बढ़ावा थोग ते आत्मनिर्भरता बढोग।
2. उपराज्यपाल मनोज सिन्हा होरें आखेआ जे आतंकवाद विकास दा दुश्मन ऐ। समाज गी लोड़चदा ऐ जे ओह आतंकवादिएं दे सहायकें खिलाफ खड़ोन।
3. मुख्यमंत्री उमर अब्दुल्ला होरें जम्मू-कश्मीर दिएं युनिवर्सिटिएं तगर पुज्ज बरोबरी ते उच्च शिक्षा दी प्रासांगिकता प्रति सरकार दी बचनबद्धता फही पक्की कीती।
4. जनजातीय मामलें दे मंत्री जावेद राणा होरें जनजातीय मामलें सरबन्धी स्कीमें दी अमलावरी दा जायजा लैता। उनें समें सीमा दा पालन करने ते गुणवत्ता सरबन्धी म्यार बनाई रखने पर जोर पाया।
5. मर्दे दे क्रिकेट च भारत ते दक्खन अफ्रीका बश्कार टेस्ट श्रृंखला कल्लै थमां शुरू होआरदी ऐ।

<><><><><><>

PM-Credit

प्रधानमंत्री नरेंद्र मोदी होरें आखेआ ऐ जे केंद्री मंत्रिमंडल आसेआ निर्यातकें लेई दोआर-गरंटी योजना दी मंजूरी कुल संसारी प्रतिस्पर्धा गी बढ़ावा ते सुचारू बपार संचालन गी यकीनी बनाने ते भारत गी इक आत्मनिर्भर राष्ट्र बनने च मदद करोग। सोशल मीडिया पोस्टें राएं प्रधानमंत्री होरें केंद्री मंत्रिमंडल आसेआ लैते गेदे फैसले दी सराहना कीती। उनें आखेआ जे निर्यात सम्बर्धन मिशन -ई.पी.एम निर्यात प्रतिस्पर्धा च सुधार करोग। प्रधानमंत्री होरें आखेआ जे महत्वपूर्ण खनिजें लेई रायलिटी दरें गी युक्तिसंगत बनाने दा केंद्री मंत्रिमंडल दा फैसला स्थिरता ते आत्मनिर्भरता गी बढ़ावा देग। उनें आखेआ जे एह गैंस सप्लाई चेन गी मजबूत करोग ते रोजगारें दे नमें मौके पैदा करोग।

<><><><><><>

LG-JU

उपराज्यपाल मनोज सिन्हा होरें आखेआ जे आतंकवाद विकास दा दुश्मन ऐ ते सुरक्षा बल इसी खत्म करने लेई पूरी तनधेई कन्नै कम्म करा' रदे न ते म्हेशां करदे रौहडन, पर समाज दी बी एह जिम्मेवारी बनदी ऐ जे ओह आतंकवाद दे खात्मे लेई पूरी जिम्मेवारी कन्नै खड़ोने। एल.जी होर जम्मू युनिवर्सिटी च इक विशेष दीक्षांत समारोह गी संबोधित करदे होई उनें गलाया जे आतंकवाद कन्नै लड़ने लेई सांझे तौरा पर यत्न करना अत लाजमी ऐ। एल.जी होरें विद्यार्थियें ते शिक्षकें गी नमें बदलावें गी अपनाने, कौशल प्रधान पाठ्यक्रम उप्पर ध्यान केंद्रित करने ते भारत दी अर्थ बवस्था ते समाज दी मंगें गी पूरा करने लेई उभरदे-रुझाने कन्नै तालमेल बनाई रखने दा आग्रह कीता। उनें आखेआ

<><><><><><>

CM-JU

मुख्यमंत्री उमर अब्दुल्ला होरें जम्मू-यूनिवर्सिटी दे 19में दीक्षांत समारोह गी संबोधित कीता। उनें डिग्री हासल करने आहले ते गोल्ड मेडलिस्टें गी मुबारकबाद दिती ते हर विशे च असाधारण उपलब्धि हासल करने लेई सभनें कुड़ियें गी बधाई दिती ते गलाया जे मिशन युवा सरकार दी फ्लैगशिप पैहलकदमी ऐ जेड़ी शिक्षा राएं कौशल विकास, नवाचार ते मानसिक स्वास्थ्य दे राएं नौजोआनें गी शिरकत बना'रदा ऐ, ना शड़ा रोजगार लेई सगुआं नेतृत्व ते राष्ट्र दे निर्माण लेई बी तैयार करा'रदा ऐ। उनें आखेआ

<><><><><><>

Anjali-Youth

केंद्र शासित प्रदेश जम्मू-कश्मीर नै 25में अंजली इंटरनेशनल चिल्डन ते युवा उत्सव जेड़ा भुवनेश्वर ओडिशा च होआ। ओहदे च पैहला ईनाम हासिल कीता। एहदा सरिस्ता प्रदेश दिव्यांगता सूचना ते शोध केंद्र आसेआ कीता गेआ तां जे दिव्यांग बच्चें ते युवाएं गी इक मंच उपलब्ध करोआया जाई सकै। सिल्वर जुबली आहला एह उत्सव 16 नवंबर तगर जारी रौहग।

<><><><><><>

Prog. Announcement

आकाशवाणी दा क्षेत्रीय समाचार एकांश 'विश्व मधुमय दिवस' दे मौके पर औंदी 14 नवम्बर गी 30एं मिटनें दी इक विशेष चर्चा प्रसारित करने जा'रदा ऐ जेहदा विषे ऐ डायबीटीज, इट्ज़ काजिज, सिम्पटम्ज़ एण्ड प्रिवेंशन यानि मधुमय एहदे कारण, लक्षण ते एहतियाती उपास। कल शुक्रवारें दिनें ढाई बजे प्रसारित होने आहले इक विशेष कार्यक्रम च स्हाड़े मेहमान होडन जम्मू मेडिकल कॉलेज च एंडोक्रिनोलोजी विभाग दे अध्यक्ष डॉ. सुमन कोतवाल जेहड़े शुगर रोग बारे जानकारी श्रोताएं कन्ने सांझी करडन। इन्दे कन्ने गल्लबात करडन स्हाड़े न्यूज एंकर विजय बजाज। एह कार्यक्रम स्हाड़े इस्सै चैनल पर मीडियम वेव 303 मीटर यानि 990 किलोहर्टज ते एफ.एम 100 इशारिया 3 मैगाहर्टज पर सुनी सकदे ओ।

<><><><><><>

ते हुन बाकि दिएं खबरें कन्ने श्रुति खजुरिया।

Rana

जनजातीय मामलें दे मंत्री जावेद राणा होरें सिविल सैक्टरेट जम्मू च इक उच्च स्तरीय मीटिंग दी प्रधानता करदे होई जनजातीय मामलें दे विभाग तैहत चलने आहिलियें सभनें स्कीमें दा व्यापक जायजा लैता। इस दरान मंत्री होरें बक्ख-बक्ख स्कीमें तैहत होने आहले विकास तय लक्ष्य मगरा हासल नतीजे ते जनजातीय समुदाय दे कल्याण लेई तय समें उप्पर सभनें कम्में गी मुकम्मल करने लेई कीते जा'रदे कम्में दा जायजा लैता। मंत्री होरें सभनें अफसरें गी गुणवत्ता मानकें ते समें-सीमा दा सख्ती कन्ने पालमा करने दे बी निर्देश जारी कीते।

<><><><><><>

SSP-Kathua

एस.एस.पी कपुआ मोहिता शर्मा होरें एस.पी आप्रेशन्स मुकुंद टिब्रेवाल, डीएसपी आप्रेशन पुष्पा ते होर दुए अफसरें कन्ने पुलस स्टेशन राजबाग तैहत आउटपोस्ट सोफियां दा दौरा लाइये मौजूदा सुरक्षा स्थिति दरान घुसपैप रोधी तंत्र दा जायजा लैता। इस दरान एसएसपी कपुआ होरें एसओजी अधिकारियें कन्ने गल्लबात कीती ते एसओजी कैंप च ढांचे हथियारें ते होर दुए लोड़चदे उपकरणें दी मौजूदा स्थिति दा जायजा लैता।

<><><><><><>

वंदे मातरम रैली दा सरिस्ता रियासी जिले च कीता गेआ। एह कार्यक्रम राश्ट्री गीत वंदे मातरम दे 150 बरें पूरे होने दे सरबंधें च हा। इस कार्यक्रम च विद्यार्थियें, युवाएं, अधिकारिं ते मुकामी बसनीकें हिस्सा लैता। इस मौके पर बोलदे होई जिला प्रोग्राम अफसर रियासी सुदर्शन कुमार होरें इनें गतिविधिं पर लौऽ पाई। इन्दे कन्नै राश्ट्र प्रति मान, एकता ते सांस्कृतिक मुल्लें-कदरें गी बल थहोंदा ऐ। युवा पीढ़ी गी वंदे मातरम दी महत्ता दा इनें कार्यक्रमें राएं पता लग्गोग। रैली च देशभक्ति ते वंदे मातरम दे नारे लाए गए। इस कन्नै पूरा माहौल देशभक्ति आह्ला होई गेआ। मगरा मीडिया कन्नै गल्ल करदे होई डी.पी.ओ रियासी होरें आखेआ

<><><><><><>

Handicraft-Ramban

दस्तकारी सरबंधी मैहकमा रामबन युवाएं गी सोजनी गेवाल ते कारपेट बुनने जनेह् कम्मै दी सिखलाई देआ करदा ऐ। एह सिखलाई बक्ख-बक्ख सिखलाई केंद्रें च दिती जा'रदी ऐ। मैहकमे आसेआ कारीगरें गी माली सहायता बी उपलब्ध करोआई जा'रदी ऐ ते उनेंगी आर्टिसन क्रेडिट नमैशें राएं बढ़ावा दिता जा'रदा ऐ। मैहकमे आसेआ अगेत्री सिखलाई लेई 700 रपे ते शुरूआती सिखलाई लेई 500 रपे वजीफा दिता जा'रदा ऐ। आकाशवाणी समाचार कन्नै गल्ल करदे होई हत्थखड्डी ते दस्तकारी मैहकमा रामबन दे सहायक निदेशक प्रदीप शान होरें आखेआबाईट.....

<><><><><><>

Cricket

क्रिकेट च कल भारत दक्खन अफ्रीका कन्नै 2 मैचें दी श्रृंखला दी मेजबानी करोग। शुरूआती मैच कोलकाता दे ईडन गार्डन्स च खेड्ढेआ जाग। शुभमन गिल हुं'दी अगुवाई च भारती क्रिकेट टीम वेस्ट इंडीज़ दे खिलाफ घरेलू मैदान च क्लीन स्पीप करने मगरा इस श्रृंखला च बी बेहतर प्रदर्शन करने दा पूरा यत्न करोग। विश्व कप प्रतियोगिता बी रफ्तार फगड़ा'रदी ऐ ते भारत एहदे च त्रीये थाहा उप्पर ऐ। भारत नै इंग्लैंड दे खिलाफ 2-2 कन्नै ड्रॉ कीता ते वेस्ट इंडीज़ गी 2-0 कन्नै मात दिती। तोआई, मौजूदा विश्व चैंपियन दक्खन अफ्रीका दी टीम दा पिछले महीने पाकिस्तान कन्नै मुकाबला 1-1 कन्नै ड्रॉ रेआ।

<><><><><><>

Distt. Tennis

जम्मू-कश्मीर लॉन टेनिस एसोसिएशन आसेआ जम्मू दे मौलाना आजाद स्टेडियम च आयोजित 14 बरें कोला हेली उमी दी जम्मू जिला ओपन टेनिस चैंपियनशिप कल सम्पन्न होई गई। जम्मू-कश्मीर खेड परिषद दिया मुख खेड अफसर अनीसा नबी इस मौके मुख परौहिनयां हियां जिनें जेतुएं च ईनाम बी बंडे। जारी जानकारी मुजब कुड़िएं दी श्रेणी च आरूषी कुमारी नै सराह महाजन गी 6-2, 6-2 कन्नै हराइयै जित हासल कीती जिल्लै कि जागतें दी श्रेणी दे फाइनल मयंक गुप्ता दे मकाबले चा पिच्छे हटी जाने कारण आरव शर्मा गी जेतू घोशित कीता गेआ। इस मौके मीडिया कन्नै गल्ल करदे होई अनीसा नबी होरें आखेआ

<><><><><><>

News Read By : Shruti Khajuria and Poonam Dogra

Composed by : Varinder Sharma

Editor : Kunal Shrivatsa